

Održan seminar na temu “Globalni navigacioni satelitski sistemi“

08.12.2014 12:12



U sklopu IMPULS projekta u periodu od 1. do 4. decembra 2014. godine u Beogradu, Republika Srbija, je održan seminar na temu GNSS - Globalni navigacioni satelitski sistemi, čiji je domaćin bio Republički geodetski zavod Republike Srbije.

Ciljevi održavanja seminara su bili:

1. dijeljenje iskustava iz Švedske i Hrvatske u vezi s GNSS CORS mrežama, s fokusom na saradnju sa

zainteresiranim stranama u svakoj od zemalja, kao i saradnju s geodetskim upravama u susjednim zemljama;

2. dijeljenje iskustava u regionu, a koja se odnose na polje GNSS-a;
4. sagledavanje potencijalnih mogućnosti saradnje između organizacija u području GNSS-a;
5. identificiranje i dogovor o načinima kojima bi se unaprijedila saradnja između geodetskih uprava koje učestvuju u implementaciji IMPULS projekta;
6. prezentacija i analiza prijedloga Republičkog geodetskog zavoda Srbije o uspostavljanju regionalnog centra za analizu GNSS opažanja.

U ime rukovodstva IMPULS projekta seminaru je prisustvovala te isti moderirala Sanja Zekušić, konsultanti ispred Lantmäteriet su bili Erik Katrin, Lotti Jivall, uz podršku kolega iz Državne geodetske uprave Republike Hrvatske Ivana Malovića te Margarete Premužić. Zaposlenici Federalne uprave za geodetske i imovinsko-pravne poslove Muris Ćeman i Denis Tabučić su ovom prilikom prezentirali rad FBIHPOS mreže permanentnih stanica, tehničke karakteristike te status korištenja.

Trodnevni seminar je završen 4. 12. 2014. godine, uz nekoliko zajedničkih zaključaka:

1. svi učesnici seminara su istakli važnost razmjene GNSS podataka u realnom vremenu;
2. predloženi regionalni centar, za sve učesnike, nije trenutni prioritet;
3. svi učesnici priznaju koristi od razmjene znanja i iskustava na polju rukovođenja i održavanja mreža permanentnih stanica;
4. saradnja na polju analize geodinamičkih područja je označena kao veoma bitna;
5. većina učesnika je izrazila potrebu za službenim formaliziranjem saradnje na predmetnom polju, a najviše u vidu potpisivanja službenih dokumenata.